



NUUSBRIEF 12/2026

## Mnr Gawie sê sy sê...Here, Here

"Ons almal weerspieël die heerlijkheid van die Here, want die sluier is van ons gesig af weggeneem. Ons word al meer verander om aan die beeld van Christus gelyk te word. Die heerlijkheid wat van ons uitstraal, neem steeds toe. Dit doen die Here wat die Gees is." - 2 Korintiërs 3:18. Na die uitstorting van die Heilige Gees het ons as Christene die voorreg om die beeld van God te vertoon aan ander. Ons het nie net die voorreg nie, dit is ook ons verantwoordelikheid. Wanneer ons Christus aangeneem het is dit nie meer ons wat leef nie, maar Christus wat in ons leef. God is Heilig en ons moet ook streef na heiligheid in die manier wat ons optree. Ons almal gaan eendag voor die regterstoel van God staan. Hierdie maak my soms bang, ons lees in Mattheus 7: 21 – 23 - "Nie elkeen wat vir My sê: 'Here, Here,' sal in die koninkryk van die hemel ingaan nie, maar net hy wat die wil doen van my Vader wat in die hemel is. Baie sal daardie dag vir My sê: 'Here, Here, het ons dan nie in u Naam gepreek nie, deur u Naam bese geeste uitgedryf en deur u Naam baie wonders gedoen nie?' Dan sal Ek openlik vir hulle sê: "Ek het julle nooit geken nie. Gaan weg van My af, julle wat die wet van God oortree." Ons besef deur Christus staan ons onder die genade van God, maar God is ook duidelik, Sy heiligheid is nie onderhandelbaar nie. Om by Sy heiligdom te mag ingaan, moet ons Christus weerspieël.

## Goegieland

Baie welkom terug by kwartaal 2! Dit belof om 'n besige kwartaal te wees – drink maar sommer julle vitamieene! Met die herfsweer wat intree, vra ons asseblief dat maats soggens 'n warm top aantrek. Ons sal dit uittrek en bêre soos dit warmer raak deur die dag. Baie dankie vir almal se deelname aan Karnavaldag. Dit was kleurvol, kreatief en vol pret!

**13 APRIL 2026 - OUERAAND IN SKOOLSAAL:** Na afloop van die oueraand is ouers welkom om afsprake met Juffrou te maak indien nodig. Wees asseblief ook op die uitkyk vir 'n uitnodiging in u kind se kletsboek.

**22 APRIL 2026 - GR. 000 & 00 INDIVIDUELE FOTODAG:** Meer inligting oor kleure en temas sal nader aan die tyd deurgegee word.

**23 APRIL 2026 - GR. 0 INDIVIDUELE FOTODAG:** Meer inligting oor kleure en temas sal nader aan die tyd deurgegee word.

Baie dankie vir julle samewerking en ondersteuning. Ons sien uit na nog 'n wonderlike kwartaal saam met ons Goegies.

Groete uit Goegieland

## Week se Program

**13 April 2026**

- Oueraand Gr. 000 tot 3 om 17:30

**14 April 2026**

- Rugby & Netbal Super 12 Uitspele

**15 April 2026**

- Oueraand Gr. 4 tot 7 om 17:30

**16 April 2026**

- Netballiga o/10 tot o/13 A & B vs Laerskool Standerton

**17 April 2026**

- Dans Werkswinkel
- Landsdiens Klubkamp Gr. 2 tot 7

**18 April 2026**

- Netbal Finale Distriksproewe

**17 tot 18 April 2026**

- Rugby Gert Sibande Streeksproewe

## Nuwe Kwartaal

Die kwartaal het begin en ons sien met opgewondenheid uit na dit wat die kwartaal ons kan bied. Die sukses van ons kwartaal sal in 'n groot mate bepaal word hoe ons die kwartaal begin en die gesindheid waarmee ons die kwartaal aanpak. Om positief te wees is 'n keuse, en so ook negatieweit. Ons kan soos bederfde kinders wees en kla oor enige ongemaklikheid of ons kan die keuse maak om die mooi in klein oorwinnings rondom ons raak te sien. Sukses word nie net aan die einde van 'n tydperk gemeet nie. Sukses word ook gemeet in die proses. Laat ons hierdie kwartaal die besluit neem om die proses te ondersteun. Maak seker ons werk elke week en doen ons deel, kyk dat elke week se doelwitte bereik word. Wanneer ons dit doen, is die einde van die kwartaal makliker, of dit nou eksamens is, of uitspele. Die proses is reg gevolg, nou kan ons die vrug van die harde werk in die kwartaal geniet. Dit is u as ouer se verantwoordelikheid om die kwartaalprogram deeglik te bestudeer sodat u bewus is van wat die kwartaal gaan volg. Indien daar enige onduidelikhede is, kommunikeer vroegtydig sodat ons hierdie onduidelikheid kan aanspreek.

# ★ Uitnodiging aan alle ouers ★

Kom woon gerus 'n insiggewende en praktiese praatjie by deur

## Danile Neethling

spraakterapeut

Kom gesels saam!



Hierdie is 'n wonderlike geleentheid om meer te leer oor  
jou kind se taalontwikkeling en hoe jy hulle  
tuis kan ondersteun



Datum: 13 April 2026



Plek: L/S Goedehoop saal



Tyd: 17:30 – 18:00

Kom luister saam, leer saam en bou saam aan ons  
kinders se kommunikasievaardighede

Ons sien uit om julle daar te hé!

# Netbaltoer

Vanaf 26 tot 28 Maart 2026 het ons o/11B- tot o/13B-spanne aan die Noord-Suid Netbaltoernooi by Laerskool Tygerpoort deelgeneem. Die dogters het besondere karakter en moed getoon en nie teruggedeins vir die groter skole nie. Hulle deursettingsvermoë het gehelp om selfvertroue te bou, terwyl waardevolle spangees en samewerking verder ontwikkel is. Ons o/11A- tot o/13A-spanne het vanaf 31 Maart 2026 tot 4 April 2026 die Menlo-toernooi bygewoon. Elke span het altesaam 10 tot 11 wedstryde gespeel. Ons het teen skole meegeding wat byna dubbel ons grootte is, en tog het ons spelers gewys dat harde werk, dissipline en vasberadenheid enige uitdaging kan oorkom. In verskeie wedstryde het ons selfs daarin geslaag om vir hierdie skole waardevolle lesse te leer. Vir ons gaan netbal nie net oor wen of verloor nie, maar oor die vorming van karakter, die ontwikkeling van deursettingsvermoë en die kweek van lewensvaardighede wat veel verder strek as die baan. Ons wil graag elke ouer opreg bedank vir die geleentheid wat u aan u dogter bied. Ons besef dat hierdie toere 'n groot finansiële opoffering verg, en ons waardeer u ondersteuning en vertroue opreg. Ons glo vas dat al hierdie ervaring, groei en blootstelling die grondslag lê vir groot dinge. 2026 gaan ons jaar wees!

## Netbal Gert Sibande – 1ste Rondte


Op 7 April 2026 het ons 0/12A- en 0/13A-spanne aan die Gert Sibande-netbal se eerste rondte deelgeneem. Dit was 'n lang dag vol opwinding, en die senuwees was beslis teenwoordig, maar ons dogters het met deursettingsvermoë en mooi spangees gespeel. Ons is ongelooflik trots op elke speler se harde werk en toewyding. Baie geluk aan die volgende dogters wat deurgedring het na die 2de rondte:

### o/12A-Dogters


Telisha Muller  
 Renesmè Becker  
 Estelle Symington  
 Emma du Plessis  
 Linay Hartzler  
 Manny Neto  
 Lumè Storm

### o/13-Dogters

Monique du Plessis  
 Mikayla Smit  
 Chaelyn Amsterdam  
 Mieke Bam  
 Baie geluk, dogters! Baie sterkte vir die 2de rondte — ons staan trots agter julle!



Telisha Muller




Renesmè Becker



Estelle Symington



Emma du Plessis



Linay Hartzler



Manny Neto




Lumè Storm



Monique du Plessis



Mikayla Smit



Chaelyn Amsterdam



Mieke Bam

LAERSKOOI GOEDEHOOP



Goede Hoop-Groete  
 Mnr Gawie van Niekerk  
 Prinsipaal

Lekker Verjaar!

13 Apr	14 Apr	15 Apr	16 Apr	17 Apr	18 Apr	19 Apr
	Rohan Bos Erik du Plessis Rayelle Bosch Sian Jacobs	Monia-Lii Botha Gabriella Matthee Luwan Lessing Donna-Lee Botha Deané Jonker	Nardus Pieterse Renesmè Becker Jason Scholtz Lea Cronje Liam van Dyk		Kelly Rheeder Alizia v Straaten Liebe Reinecke Angelique v Huyssteer	Henk J v Rensburg